



COMUNE DE BIDDANOA MONTELEONE

Provìntzia de Tàtari

Carrera Nazionale n. 106

Tel. 079/960406-960044 – Fax 079/960736

Ordinàntzias de su Sìndigu

N. 3 de su 18-01-2021

OGETU: CUNTRASTU E CUNTENIMENTU A S'ISPARGHIDURA DE SU VIRUS COVID-19. ORDINÀNTZIA CONTINGÌBILE E URGENTE –SERRADA DE TOTU SAS ISCOLAS DE OGNI ÒRDINE E GRADU DE BIDDANOA MONTELEONE

SU SÌNDIGU

Bida sa lege 23 de nadale de su 1978, n. 833 chi cuntenit « Istituzione de su servìtziu sanitàriu natzionale » e in particolare s'art. 32 chi disponet « *Su Ministru de sa sanidade podet emìtere ordinàntzias de caràtere contingibile e urgente, in matèria de igiene e sanidade pùblica e de polìtzia veterinària, cun eficàtzia illargada a totu su territòriu natzionale o a parte de issu chi cumprendet prus regiones* », e puru « *in sas matessis matèrias sunt emìtidas dae su Presidente de sa giunta regionale e dae su Sìndigu ordinàntzias de caràtere contingibile e urgente, cun eficàtzia illargada a manera rispetiva a sa regione o a parte de su territòriu suo chi cumprendet prus comunes e a su territòriu comunale* »;

Bida sa declaratzione de s'Organizatzione mundiale de sa sanidade de su 30 de ghenàrgiu de su 2020 cun sa cale s'epidemia dae COVID-19 est istada valutada comente un'emergèntzia de sanidade pùblica de rilevànzia internatzionale;

Bida sa delibera de su Consìgiu de sos Ministros de su 31 de ghenàrgiu de su 2020 chi cuntenit « *Declaratzione de s'istadu de emergèntzia in cunsighèntzia de s'arriscu sanitàriu cunnessu a su nàscheru de patologias chi deerivant dae agentes virales trsmisibiles* »;

Bida sa declaratzione de s'Organizatzione mundiale de sa sanidade de s'11 de martzu de su 2020 cun sa cale s'epidemia dae covid-19 est istada valudata comente « *pandemia* » in cunsideratzione de sos livellos de isparghidura e gravidade segudados a livellu globale;

Bidu su decretu lege 30 de trìulas de su 2020, n. 83 « *Mesuras urgentes cunnessas cun s'iscadèntzia de sa declaratzione de emergèntzia epidemiològica dae COVID-19 deliberada su 31 de ghenàrgiu de su 2020 cun sa cale si disponet sa pròroga de s'istadu de emergèntzia a su 15 de santugaine 2020*; »;

Bidu su decretu-lege 7 de santugaine de su 2020, n. 125, chi cuntenit « *Mesuras urgentes cunnessas cun sa pròroga de sa declaratzione de s'istadu de emergèntzia epidemiològica dae COVID-19 e pro sa sighidura operativa de su sistema de allerta COVID, e puru pro s'atuatzione de sa diretiva (UE) 2020/739 de su 3 de làmpadas de su 2020* », cun sa cale si disponet intre sas àteras cosas sa pròroga de s'istadu de emergèntzia a su 31 de ghenàrgiu de su 2021;

Bidu su decretu-lege 7 de santugaine de su 2020, n. 125, chi cuntenit « Mesuras urgentes cunnessas cun sa pròroga de sa declaratzione de s'istadu de emergèntzia epidemiològica dae COVID-19 e pro sa sighidura operativa de su sistema de allerta COVID, e puru pro s'atuatzione de sa diretiva (UE) 2020/739 de su 3 de làmpadas de su 2020 », in su cale, in sede de mudadura in lege 159 de su 27.11.2020, est istada disposta sa pròroga de s'istadu de emergèntzia a su 30 de abriale de su 2021;

Leadu atu, in particolare, de s'isvilupu de sa situatzione epidemiològica chi mustrat una situatzione de isparghidura de su virus in su territòriu Comunale, gasi de evidentziare s'arriscu de una bera e pròpia emergèntzia chi imponet sa netzessidade e s'urgèntzia de interbènnere a tutela de su diritu a sa salute de sas pessones;

Dadu atu chi a sa data de oe resurtant atzertados in su Comune de Biddanoa Monteleone n. 13 casos de positividade a su virus;

Leadu atu in prus de sos cuntatos àpidos cun sa Dirigente de s'Istitutu Cumprensivu Istatale de Biddanoa Monteleone;

Bida s'ordinàntzia pròpia n. 1 de su 14.01.2021 cun sa cale est istada disposta sa serrada de s'iscola de s'Infàntzia pro su periodu dae su 14.01.2021 a su 24.01.2021;

Apretziadu pro cussu, in bia precauzionale, dispònner sa serrada de sos locales impreados pro atividades didàticas mentres sunt atzessìbiles e abertos sos locales destinados a ufizios de diretzione e segreteria, chi sunt in su primu pianu de s'iscola de s'infàntzia;

Bidu s'art. 18 de su D.L. n. 76/2000, mudadu in Lege n. 120/2020 chi, abroghende s'art. 3 comma 2 de su D.L. n. 19/2020, at fatu bènnere mancu sos limites a sos cales fiat sutapostu su podere de ordinàntzia de su sìndigu in sas fases detzisivas de su cuntrastu a s'isparghidura de s'epidemia in cursu.

Bidas sas tzirculares de su Ministèriu de sa Salute:

- N. 17167 de su 21.08.2020,
- N. 30847 de su 24.09.2020;
- N. 32850 de su 12.10.2020;

Bidu su DPCM de su 25.10.2020^e in particolare s'Allegadu 21;

Bidu su DPCM de su 03.11.2020 e in particolare s'Allegadu 21;

Bidu su DPCM de su 03.12.2020 e in particolare s'Allegadu 21;

Bidu s'art. 50 de su D.Lgs 267/2000 e mm.ii.ii.;

ÒRDINAT

Pro sas motivatziones indicadas in premissa e inoghe torradas a cramare de su totu, cun decurrèntzia dae su 18.01.2021 e finas a su 31.01.2021, sa serrada de totu sas iscolas presentes in su territòriu comunale, cumpresu su Servìtziu de Prima Infàntzia Micronidu, e de sos locales impreados pro atividades diàticas, mentres sunt atzessìbiles e abertos sos locales chi sunt in su primu pianu de s'iscola de s'infàntzia, destinados a ufizios dee diretzione e segreteria.

Est fatu òbligu a chie si siat tochet de osservare e fàghere respetare s'ordinàntzia presente.

Sos ufiziales e sos agentes de sa fortza pùblica sunt incarrigados de fàghere osservare sas dispositziones cuntènnidas in s'ordinàntzia presente.

In casu de no ubidièntzia a s'Ordinàntzia presente at a sighire s'applicatzione de sas sanziones amministrativas dispostas dae s'art. 4 de su D.L. n. 19/2020, mudadu in sa Lege n. 35/2020, puru in cumbinadu dispostu cun s'art. 2 de su D.L. 33/2020, mudadu in sa Lege n. 74/2020.

Contra a s'ordinàntzia presente est ammitidu ricursu a su TAR Sardigna intro de 60 dies dae sa publicatzione, o in bia alternativa ricursu istraordinàriu a su Capu de s'Istadu intro de 120 dies dae sa publicatzione de sa matessi.

AVERTET CHI

Su provedimentu presente at a èssere suscetibile de modìficas e integrazziones in base a sas netzessidades arrivadas e problemàticas rilevadas.

Franco chi su fatu costituat reatu prus grae, firmu a cantu prevìdidu dae s'art. 650 c.p., chie si siat non respetet sas prescritziones impostas dae s'Ordinàntzia presente de su sìndigu, est, in prus, sugetu, a sa sanzione amministrativa istabilida ex art. 7 bis de su T.U.E.L. dae 25 a 500 èuros.

DISPONET

Sa publicatzione de s'ordinàntzia presente in s'Albu Pretòriu on line de su Comune, e puru in su situ web istituzionale de su Comune.

Su Sìndigu

Dot. Vincenzo Ligios

Traduzione de s'operadora de s'isportellu linguìsticu de Monteleone
Maria Leonarda Correddu

